

U skladu sa Zakonom o obligacionim odnosima

Mujo Mujić iz Sarajeva (u daljem tekstu: naručilac), ulica Sarajevska br. 10, JMB: XXXXXXXXXXXXXXXX

i

Pero Perić iz Sarajeva (u daljem tekstu: izvođač), ulica Banjalučka br. 7, JMB: XXXXXXXXXXXXXXXX

zaključili su sljedeći:

Ugovor o djelu¹

Član 1.

Ugovorne strane su se sporazumjele da će izvođač izraditi deset stolova po nacrtu koji čini sastavni dio ovog ugovora od vlastitog materijala (bukovina), dimenzija: visina 43 cm x dužina 95 cm x širina 48 cm. Izvođač se također obavezuje da će te iste stolove dostaviti na adresu naručioca, ulica Sarajevska br. 10.

Član 2.

Ukupna cijena za izradu i dostavu stolova je 1.000,00 KM (slovima: jedna hiljada konvertibilnih maraka). Ugovorenu cijenu naručilac plaća tako što prilikom potpisivanja ugovora izvođaču predaje kaparu u iznosu od 400,00 KM (slovima: dvije stotine konvertibilnih maraka), dok se ostatak cijene obavezuje platiti po izvršenoj dostavi.

Član 3.

Izvođač se obavezuje da će posao iz člana 1. ovog ugovora izvršiti u roku od 30 dana od dana potpisivanja ovog ugovora.

Član 4.

Ukoliko se na osnovu objektivnih činjenica ocijeni da izvođač nije u stanju da izvrši ugovoreni posao u roku koji je naveden u članu 3. ovog ugovora, naručilac može raskinuti ugovor i tražiti naknadu štete i učinjenih troškova.

Član 5.

Izvođač se obavezuje da ugovoreni posao izvrši kvalitetno, po tehničkim normama i standardima. Izvođač daje garanciju za kvalitet izrađenih stolova u trajanju od 12 (dvanaest) mjeseci od dana primopredaje, te se obavezuje da će u garantnom roku o svom trošku otkloni sve nedostatke na predmetu ugovora, uzrokovane nesolidnom izradom, ugradnjom materijala neodgovarajućeg kvaliteta.

¹ Pošto ovaj ugovor služi isključivo radi edukacije i pružanja informacija, Legalist.ba i autor ne jamči da je objavljeni ugovor u skladu sa pozitivnim pravom BiH. Stoga Legalist.ba ne odgovara za štetne posljedice koje mogu nastupiti usljed njegovog preuzimanja i korištenja.

Član 6.

Eventualne primjedbe naručilac je dužan odmah navesti, u protivnom će se smatrati da su radovi izvršeni bez nedostatka (osim eventualnih skrivenih nedostataka).

Član 7.

Ugovorne strane su saglasne da sve eventualne sporove u vezi sa ovim ugovoru rješavaju sporazumno, ili posredstvom arbitraže, a ukoliko to ne uspije, nadležan je Općinski sud u Sarajevu.

Član 8.

Ovaj ugovor je sastavljen u četiri primjerka od kojih svaka strana zadržava po dva primjerka.

Član 9.

Ugovorne strane prihvataju sva prava i obaveze iz ovog ugovora i u znak saglasnosti vlastoručno ga potpisuju.

U Sarajevu, 07.03.2011. god.

Potpis:

Potpis:

Mujo Mujić (naručilac)

Pero Perić (izvođač)